

Maria, nëna jonë - Lutje kushtuar Zojës së bekuar dhe shenjtërve

Shenjtja Mari, tregohu ndaj nesh

Shenjtja Mari, tregohu ndaj nesh si një nënë e mëshirshme dhe na prano si bijtë e tu. Mbretëreshë e qiellit dhe e tokës, Nëna jonë, tek ti po vijmë dhe po të lutemi të na e japësh bekimin tënd. Ti e zgjedhur nga Zoti dhe e bekuar mes grave, na e nxjerr hirin nga Jezu Krishti, Biri yt, që të shërbejmë ty gjithmonë këtu mbi tokë, në mënyrë që një ditë të pranohemi pranë teje në qiell. Amen.

Nën mbrojtjen tënde

Nën mbrojtjen tënde po ngasim o shenjtja Nënë e tënzot. Mos na i përbuz lutjet ndër nevojat tona por, o virgjëra e lume dhe e bekuar na shpëto prej të gjitha rreziqeve Zoja jonë dhe ndërmjetësja e jonë me Birin tënd na pajto, Birin tënd na porositi, në duar të Birit tënd na lësho. (Dev.19)

O Zoja ime, o nëna ime

O Zoja ime, o Nëna ime. Para teje po e sjell krejt vetveten, dhe për ta shfaqur ty dhurimin tim, po t'i kushtoj sot ty sytë e mi, veshët e mi, gojën time, zemrën time dhe gjithë vetveten time. Prandaj, o Nënë e mirë, pasi unë të përkas ty, më ruaj si pasuri dhe pronësi tënden. Amen. (Dev.130)

E tejetshenjtja dhe e papërlyera Zemra e Marisë

Zemër e shenjtë dhe e papërlyer e Marisë, strehë e mëkatarëve, luto për ne!

E njohur, e dashur, e lavdëruar, e nderuar, e lëvduar dhe e lumturuar qoftë tani, kudo dhe në çdo kohë Zemra hyjnore e Jezusit dhe Zemra e papërlyer e së tejetlumturës Virgjërës Mari. Mari, Nënë e Hyjit, Mbretëreshë e qiellit, derë e parizit, ti je një gëzim i veçantë i botës! Ti ke ngjizur Jezusin, Krijuesin dhe Shpëtimtarin, në të cilin nuk dyshoj. Luto për ne tek Jezusi, Biri yt, që e ke ngjizur nga Shpirti Shenjtë dhe që ka lindur nga ti. Amen.

Mari, me të vërtetë Nënë e Mrekullueshme

Mari, me të vërtetë Nënë e mrekullueshme, e mrekullueshme je ti nëpërmjet hireve dhe privilegjeve me të cilët Hyji të ka mbushur; e mrekullueshme nëpërmjet virtyteve dhe meritave tuaja; e mrekullueshme je ti në qiell, në lavdinë që ty të rrethon me ndriçim; e mrekullueshme mbi tokë nëpërmjet hireve të panumërta që nxjerr për ne; e mrekullueshme nëpërmjet mbrojtjes sate me të vërtetë amnore, të cilën ua jep gjithmonë atyre që në mënyrë të veçantë të kushtohen ty.

Tregojë në mua pushtetin që ta ka dhënë Zemra e tejetshenjtë e Birit tënd. Dëgjoje lutjen time, ti Nënë e mrekullueshme. Në nevojën time të drejtohem ty me besim te thellë dhe po të premtoj që nga mirënjohja ndaj bëmirësive tuaja, do ta përdor kohën e jetës që akoma më mbetet për të fituar zemra për ty dhe për të shpallur gjithkund se sa e mrekullueshme je ti.

Tregohu veçanërisht tani e mrekullueshme, kur e keqja me tërë pushtetin e saj po lufton kundër bijëve të Hyjit. Mbroje Kishën, mbikqyre Atin e Shenjtë, gjallëroje dashurinë dhe zellin në zemrat e meshtarëve.

Ki mëshirë për njerëzit e panumërt që vrapojnë kah humbja; shpëtoji ata, o Mari, dhe kthei tek ti. Hidhe edhe mbi mua një shikim plot butësi, më udhëheq në ditët e shtegtimimit tim; bëj që të vdes në mbështetjen tënde, duke thirrur në ndihmë emrin tënd të mrekullueshëm. Nënë e mrekullueshme, luto për mua. Amen.

Shenjtja Virgjëra Mari

Shenjtja Virgjëra Mari, kush mund të falenderojë, kush mund të lëvdojë dhe të bekojë ty siç e meriton? Njëpërmjet po-së tënde të pakrahasueshme i ke sjellur sërish ndihmë botës të plagosur rëndë. E si mundemi ne njerëzit të të lavdërojmë? Vetëm njëpërmjet ndërmjetësimit tënd e kemi rigjetur hyrjen në trashëgimin tonë të humbur. Prandaj pranoje lutjen tonë të falenderimit! Është pak në krahasim me atë që ti meriton. Pranoji lutjet tona dhe ndërmjetëso falje për mëkatet tona! Dërgoje lutjen tonë në Shenjtërore dhe si dhuratë këmbimi na sjell pajtimin. Veprone në ne faljen që po e kërkojmë njëpërmjet teje; na ndihmo që të arrijmë atë që po kërkojmë me plot besim.

Pranoji lutjet që po i lartësojmë kah ti; na e dhuro atë që po kërkojmë. Na e nxjerr veprimin e faljes së mëkateve! Ti je e vetmja shpresë e mëkatarëve. Përmes teje shpresojmë të nxjerrim faljen e mëkateve. Në ty, Virgjër e lume, është e themeluar shpresa jonë për shpërblimin e amshuar. Shenjtja Mari! Eja në ndihmë të varfërve, ngriji në këmbë të shkurajuarit, ngushëlloi të pikëlluarit, lutu për popull, lutu për meshtarët, ndërmjetëso për gratë e kushtuara Hyjit! Bëj që, të gjithë ata që kremtojnë Kujtesën tënde të shenjtë, ta përjetojnë ndihmën tënde! Qëndro me gadishmërinë tënde pranë lutjeve tona dhe na e dhuro suksesin e dëshiruar! Lutja për popullin e Hyjit qoftë përkujdesi yt i vazhdueshëm! Sepse ti që e denjë të mbash Shpëtimtarin e botës. Ai jeton dhe mbretëron si Mbret në amshim. Amen. *(Shën Agustini)*

Zojë e amshuar

Zojë e amshuar, ti je Nënë dhe Virgjër, ti je në trup dhe në shpirt Nëna e Kreut dhe e Shpëtimtarit tonë, je gjithashtu Nëna dhe Nëna e përsosur e të gjitha gjymtyrëve të Krishtit. Sepse ti, njëpërmjet dashurisë sate, ke bashkëvepruar në lindjen e besimtarëve në Kishë. E vetmja në mes grave je ti, Nënë dhe Virgjër: Nëna e Krishtit dhe Virgjëra e Krishtit. Ti je bukuria dhe shkëlqimi i tokës, o Virgjër, ti je përgjithmonë figura e Kishës së shenjtë. Njëpërmjet një gruaje vdekja, njëpërmjet një gruaje jeta: njëpërmjet teje, o Nënë e Hyjit!
(Shën Agustini)

E tejetlumtur Virgjëra Mari

E tejetlumtur Virgjëra Mari, Nëna e Jezusit dhe ndërmjetësuesja jonë e fuqishme, me besim fëmijëror e vëmë sot vetveten nën mbrojtjen tënde amënore. E tejetmira Nëna e Mëshirës, ji streha jonë në të gjitha qëllimet tona, ngushëllimi ynë në të gjitha pengesat dhe ndërmjetësuesja jonë pranë Birit tënd tejet të dashur, sot dhe në të gjitha ditët e jetës sonë, veçanërisht në momentin e vdekjes sonë. Amen.

Lutje kushtuar Zojës në muajin maj

“O Zojë, Ti që je Mbretëresha e botës, të lutemi të na duash me gjithë shpirt. Sot, më shumë se kurrë kemi nevojë për dashurinë tënde. Toka, që e shkele ti vetë, është e mbushur me trishtim, varfëri, mëri, luftë, dhunë, frikë për të sotmen e për të nesërmen.

Mbroji ata që, të tronditur nga vështirësitë e jetës a të ligështuar nga vuajtjet, i lëshon zemra e pushtohen nga dëshpërimi.

Shndriti ata, që nuk i do askush, sepse nuk dinë të duan. Jepu dashuri, nga dashuria jote.

Ngushëlloji ata, që janë shkëputur nga shokë e miq, sepse vdekja u ka trokitur para kohe tek porta a pse kanë humbur aftësinë ta kuptojnë njëri-tjetrin, duke e ndjerë veten thellësisht të vetmuar.

Pajtoji njerëzit, që qajnë bijtë e humbur, bijtë e paudhë, bijtë e papnunë, të pafat, të mjerë.

Mëshirë, o Zojë, për prindërit, që nuk janë në gjendje të çojnë në shtëpi bukën e përditshme. Jepu zemër të fortë, që të mund ta përballojnë jetën me durim, që të mund të presin ditë më të mira.

Duaji ata, që Zoti u ka dhënë hijeshi e ndjenja fisnike, që të mos i shpërdorojnë këto dhanti për punë të kota, por t'i venë në shërbim të lumturisë së njerëzve, të cilët nuk i gëzojnë këto të mira.

Duaji, o Zojë, edhe të gjithë ata, që nuk na duan!

Litanitë e Zojës

O Zot ki mëshirë.

O Krisht ki mëshirë. O Zot ki mëshirë.

O Krisht dëgjona ne. O Krisht ndjena ne.

Ati qiellor, Zot, **ki mëshirë për ne.**

Bir, Shpëtimtar i botës, Zot, Shpirti

Shenjtë, Zot,

Shenjtja Trini, i vetmi Zot,

lutu për ne.

Shenjtja Mari, **lutu për ne.**

Shenjtja nëna e Tënzot,

Shenjtja Virgjëra e virgjërave,

Nëna e Krishtit,

Nëna e Kishës,

Nëna e hirit të hyjnueshëm,

Nëna e kulluar,

Nëna krejt e pastër,

Nëna e papërlyer,

Nëna e paprishur,

Nëna e dashur,

Nëna e mrekullueshme,

Nëna e mrekullueshme,

Nëna e mrekullueshme,

Nëna e këshillit të mirë,

Nëna e Krijuesit,

Nëna e Shëlbuesit,

Virgjëra e nderueshme,

Virgjëra e lavdëruar,

Virgjëra e pushtetshme,

Virgjëra e mëshirshme,

Virgjëra besnike,

Pasqyrë drejtësie,

Selia e dijes,

Shkaku i gëzimit tonë,

Visar i përshpirtshëm,

Visar i nderueshëm,

Visar i zgjedhur përshpirtërie,

Drandofillja e mrekullueshme,

Kulla e Davidit,

Kulla e fildishtë,

Shtëpia e artë,

Arka e besëlidhjes,

Dera e qiellit,

Ylli i mëngjesit,

Shëndeti i të sëmurëve,

Streha e mëkatarëve,

Ngushëllimi i të pikëlluarve,

Ndihma e të krishterëve,

Mbretëresha e engjëjve,

Mbretëresha e patriarkëve,

Mbretëresha e profetëve,

Mbretëresha e apostujve,

Mbretëresha e dëshmorëve,

Mbretëresha e dëshmitarëve,

Mbretëresha e virgjërave,

Mbretëresha e të gjithë shenjtërve,

Mbretëresha e zënë pa mëkat të

rrjedhshëm,

Mbretëresha e ngjitur në qiell,

Mbretëresha e shenjtës rruzare,

Mbretëresha e paqes, Mbretëresha e

familjeve,

O Qengji i Zotit, që shlyen mëkatet e botës,

na fal ne o Zot.

O Qengji i Zotit, që shlyen mëkatet e botës,

dëgjona ne o Zot.

O Qengji i Zotit, që shlyen mëkatet e botës,

ki mëshirë për ne.

Nën mbrojtjen tënde po ngasim o shenjtja Nëna e Hyjit, mos na i përbuz lutjet ndër nevoja tona, por, o Virgjëra e lume dhe e bekuar, na shpëto përherë prej të gjitha rreziqesh, Zoja jonë dhe ndërmjetëse e jona. Me Birin tënd na pajto, Birit tënd na porosit, ndër duar të Birit tënd na lësho.

Lutu për ne, o shenjtja Nëna e Hyjit.

Të bëhemi të denjë për premtimet e Jezu Krishtit.

Të lutemi. Jepna ne shërbëtorëve të tu, po të lutemi, o Zot, ti gëzohemi përherë shëndetit të shpirtit dhe të trupit, e nëpër ndërmjetësi të së madhërishtes dhe gjithmonë virgjërës Mari, t'i shpëtojmë trishtimit të tashëm dhe t'i gëzohemi gazmendit të amshuar. Nëpër Krishtin, Zotin tonë. Amen.

Rrinte Zoja (Stabat Mater)

Rrinte Zoja tuj lotue,
afër kryqit tuj shikue,
Krishtin pezull kryqëzue.

Nanë e dashtun t' lus pa pra,
varr't e Birit tand pa da,
gjurma n' zemër me m' i ba.

Heshtat n' zemër prej trishtimit,
prej ezgjetit prej idhnimit,
Zoj's përshkue ia kishte shqimit.

Oh sa n' vaj e sa n' ankim,
qe n' at çast pa pasë një g'zim,
nana e Krishtit veç bekim.

Qante dneste e dhimshmja nanë,
mundue Krishtin për gjith' anë,
pa mujt kush një ndihmë me i dhanë.

Tuj kqyrë nanën e Tënzot,
afër Krishtit me varrë plot,
nuk është njeri që s' derdh' lot.

Kush sheh Zojen n' atë ezgjet,
gadi dekun për djalë t' vet,
pa dnesue jo nuk jet.

Shën Jozefit

Kujtohu, o dhëndër tejet i pastër

Kujtohu, o dhëndër tejet i pastër i tejetlumturës Virgjërës Mari, ti, mbrojtësi im i pasur në dashuri, o shën Jozef, se ende nuk është dëgjuar, që dikush të ketë thirrur mbrojtjen tënde dhe të ketë kërkuar ndihmën tënde e të mos ketë gjetur ngushëllim nga ti. Me këtë besim po dal para teje e po të porositem këmbëngulazi. Mos e nënçmo lutjen time, o i shenjtë atë i përkuajdesshëm i Shpëtimtarit tonë, por i pasur në mëshirë, pranoje atë. Ashtu qoftë.

Të falem, o Jozef

Të falem, o Jozef, njeri i drejtë, dhëndri i Virgjërës Mari e ati adoptues i Jezusit; ti je i bekuar mes burrave e i bekuar është Biri i Hyjit që t'u besua ty: Jezusi. Shën Jozef, ati i familjes së madhe të bijve të Hyjit, lutu për ne mëkatarët, tani e në çast të vdekjes sonë. Amen.

Mëkatet tona me i resitë,
e pa Krishtin krejt molitë,
prej së rrahnash t' asaj ditë.

N' mal t' Kalvarit kur e lëshoi,
veten n' kryq e kur mbaroi,
Krishtin pau e dhimshmja Zojë.

Deh ti nana me dashni,
dhimbjen tënde ban ta ndi,
sa t' jetoj n' kët shekull t' zi.

Tuj t' u lutë gjithmonë po shkoj,
ban që Krishtin ta adh' roj,
hirin tënd kurrë mos ta lëshoj.
Ti pjestar m' ban përgjithmonë,
n' atë mundim që për faj tonë,
hoq mbi kryq Shëlbuesi jonë.

Afër kryg' s t' Birit Tenzot,
m' ban o Zojë me derdhun lot,
der' sa t' kemi jetë e mot.

Afër kryqit tuj gjëmue,
afër teje tuj lotue,
kish të kjaj une pa pushue.

O Zojë virgjër nanë e dliër,
lute Zotin t' ketë mëshirë,
ti shëlbim prej si na nxier.

Shën Jozef

O Shën Jozef, ki për mua e për ata që i kam të dashur, dashurinë që ke pasur për Jezusin e për Marinë: më prano në shtëpinë e Zotit si pjesëtarë të familjes tënde; më ndihmo të njoh, shërbej e të dua Jezusin e Marinë si i ke njohur, shërbyer e dashur ti. Në fundin e jetës, m' i hap dyert e qiellit. Amen.

Litanitë e Shën Jozefit

O Zot ki mëshirë.
O Krisht ki mëshirë.
O Zot ki mëshirë.
O Krisht ndjena ne
O Krisht dëgjona ne.
Ati prej qiellit Zot, **ki mëshirë për ne.**
Biri, Shpërblyesi i botës Zot,
Shpirti Shenjtë Zot.
Shenjtja Trini, një i vetmi Zot,
Shenjtja Mari, **lutu për ne.**
Shenjtji Jozef,
Biri i madhërisëm i Davidit,
Drita e patriarkëve,
Fati i nënës së Zotit,
Rojtari i pastër i Virgjërës,
Ushqyesi i të Birit të Zotit,
Mbrojtësi i kujdesshëm i Krishtit,

Kryetari i familjes së shenjtë,
Shenjtji Jozef krejt i drejtë,
Shenjtji Jozef krejt i pastër,
Shenjtji Jozef krejt i urtë,
Shenjtji Jozef krejt i fuqishëm,
Shenjtji Jozef i dëgjueshëm,
Shenjtji Jozef krejt besnik,
Pasqyra e durimit,
Dashamiri i vobekësisë,
Shembulli i punëtorëve,
Stolia e jetës shtëpiake,
Rojtari i virgjërave,
Shtylla e familjeve,
Ngushllimi i të shkretëve,
Shpresa e të sëmurëve,
Pajtuksi i atyre që janë duke vdekur,
Tmerri i djajve,
Mbrojtësi i Kishës së shenjtë

O Qengji i Zotit, që shlyen mëkatet e botës,
na fal ne o Zot.

O Qengji i Zotit, që shlyen mëkatet e botës,
dëgjona ne o Zot.

O Qengji i Zotit, që shlyen mëkatet e botës,
ki mëshirë për ne.

- Lutur për ne Shenjtji Jozef

- Të bëhemi të denjë për premtimet e Jezu Krishtit

Të lutemi. O Zot, që në provaninë tënde të pagabueshme u dënjove të zgjedhësh shenjtin Jozef, për fat të së shenjtës nënës sate, bëj po të lutemi, që atë të cilin e nderojmë në tokë si mbrojtës, të kemi fat për të pasur ndërmjetës në qiell. Që jeton e mbretëron përgjithmonë e jetës. Amen.

Shenjtërit kryengjës dhe engjëj

Thirrja në ndihmë e kryeengjëjve

O shenjtji kryeengjëll Mëhill! Ti prirës i ushtrisë qiellore, ti fitues i dragonit të ferrit, ti ke marrë nga Hyji forcën dhe pushtetin për të shkatërruar me përvujtëri, krenarinë e pushtetit të errësirës! Na ndihmo t'ia arrijmë përvujtërisë së vërtetë të zemrës, besnikërisë së paluhatshme në kryerjen e vullnetit të Hyjit, forcës në vuajtje dhe në vështirësi! Na ndihmo që të jemi të qëndrueshëm para Katedrës Gjykuese të Hyjit!

O shenjtji kryeengjëll Gabriel! Ti engjëll i Mishërimit, ti lajmëtar besnik i Hyjit, hapi veshët tanë edhe ndaj qortimeve dhe thirrjeve më të lehta të Zemrës dashuriplote të Zotit tonë! Na rri

gjithmonë para syve, që ta kuptojmë siç duhet Fjalën e Hyjit, t'i shkojmë pas dhe t'i bindemi asaj si dhe të bëjmë atë që Zoti do nga ne! Na ndihmo të qëndrojmë zgjuar në gadishmëri, në mënyrë që kur të vijë Zoti, të mos na gjejë duke fjetur!

O shenjtë kryeengjell Rafael! Ti lajmëtar i dashurisë së Hyjit, plagose zemrën tonë me Dashurinë e zjarrtë dhe mos lejo kurrë që kjo plagë të shërohet, në mënyrë që ne edhe në përditësi të qëndrojmë në rrugën e Dashurisë dhe që në sajë të dashurisë të mund të fitojmë mbi gjithçka! (*Gebetschatz*)

Lutje drejtuar kryeengjësve për udhëtarët

- O shenjtë kryeengjell Rafael, ti mburojë e të gjithë udhëtarëve, na shoqëro me legjionet e engjësve të tu dhe na shpëto nga kurthet e pushteteve të errësirës. Në çdo udhëtim tonë na mbro ne dhe të gjithë ata që do t'i takojmë.

-O shenjtë kryeengjell Mëhill, na mbro nga pushtetet e errësirës dhe në saje të lutjeve tona e të ndërmjetësimi të engjësve tanë rojtarë, hidhi poshtë në humnerën e ferrit, kështu që mos të na dëmtojnë as ne dhe as ata që udhëtojnë me ne.

-O shenjtë kryeengjell Gabriel, paraqitja Zemrës tre herë hirëplote dhe të papërlyer të Mbretëreshës suaj gjithmonë përshëndetjen qiellore, së bashku me të gjithë engjëjt e tu dhe me të gjithë engjëjt tanë rojtarë dhe me ta kërkoje për ne një udhëtim të mbarë. Amen.

Thirrja në ndihmë e engjësve të Hyjit

Të gjithë ju engjëj të Hyjit, veçanërisht ju, që mirësia dhe dituria hyjnore na ka dhënë si mbrojtës të veçantë, na udhëhiqni sot në të gjitha rrugët tona dhe na drejtoni të padëmtuar përmes rreziqeve të kësaj dite; na mësoni në padituri, na forconi në tundime, na ngushëlloni në trishtime, na jepni guxim për të bërë mirë dhe na ruani nga çdo e keqe derisa ju të na dërgoni në lumturinë e amshuar. Amen.

Lutjet e mëngjesit dhe të mbrëmjes

Lutja e mëngjesit

Hyji im e Ati im, të falenderoj nga thellësia e zemrës që më ke ruajtur në këtë natë e mirësisht më ke forcuar me një gjumë të qetë. Tani po të dorëzohem ty krejtësisht. Më ruaj në këtë ditë nga çdo e keqe; më drejto e më udhëzo, që në gjithë punën e pushimin tim të jetoj sipas pëlqimit tënd hyjnor, të shmang fuqishëm çdo mëkat dhe të bëhem kështu gjithnjë e më i denjë për hirin dhe dashurinë tënde. Atë i amshuar, unë po të dhurohem krejtësisht ty, me të gjitha fuqitë e shpirtit tim, me të gjitha shqisat e trupit tim e me gjithë atë që kam e që jam. Pranoje, o Ati im, në fillim të kësaj dite dashurinë time dhe bashkoje me dashurinë dhe me meritat e Birit tënd. “Çfarë kam unë në qiell dhe çfarë lakmoj unë mbi tokë përveç teje, o Hyj i zemrës sime dhe trashëgimia ime e përjetshme! (Ps 72, 25-26)

Bekimi i Hyjit Atit të Gjithëpushtetshëm, dashuria e Birit Jezu Krisht, Zoti dhe Shpëtimtari im, dhe hiri i Shpirtit Shenjt më mbajtshin e më forcofshin për çdo të mirë e për jetën e pasosur. Amen.

Përshëndetja e mbrëmjes ndaj Zemrës së Jezusit

Përshëndetjen e fundit të mbrëmjes po ta dërgoj ty, o Zemër hyjnore; në varrën e shenjtë të jetës tënde po i fundos gëzimet dhe dhimbjet e ditës. O Zemër e Dashurisë, ty ta besova në mëngjes peshën e ditës, dhe jo kot ndërtova mbi ty, plot mirësi më bekove ti. Të qoftë ndera për mirësinë tënde, që duke më mbrojtur më qëndroi pranë, edhe në këtë natë më mbroftë besnike me dorën e Engjëllit tënd të shenjtë. O Zemër hyjnore, për dashuri ndaj teje pendohem për të gjitha mëkatet, bëj që të gjej falje, ma dhuro sërish dashurinë tënde. O Zemër e Jezusit, edhe të dashurit e mi ty thellësisht po t'i porosis; ruaji në trup e shpirt, ata, që mua më bënë mirësi. Në të shenjtën varrë të Zemrës sate po flej tani qetë e ëmbël; bëj që kjo varrë në çast të fundit të më jetë Dera e qiellit. Amen.

Lutja Trinisë së tejetshenjtë

O Zot Hyj, Ati im, ti je Hyji im! Urtia jote të më udhëheqë, hiri yt të më mbajë, dashuria jote të më gëzojë, e vërteta jote të më mbrojë, fuqia jote të më ruajë. Jezu Krisht, biri i Hyjit, vëllai im dhe Shpëtimtari im!
Gëzohem që je bërë njeri, rrugës tënde dua të shkoj.
Mundimi yt është sukcesi im, marrëzia jote, për mua nder, pafajësia jote, shpërblimi im, vdekja jote, jeta ime, ngjallja jote, ngushëllimi im.
Shpirti Shenjt, Hyj, ti je Ngushëlluesi im!
Më kthe, sepse jam njeri mëkatar, më ngjall, sepse jam i vdekur, më zgjo, sepse jam i fjetur, më aftëso për jetën e amshuar. Gëzoje arsyen time, shenjtëroje vullnetin, forcoje fuqinë time të dobët, qëndro pranë meje, bano tek unë, qëndro me mua, o Trini e tejetshenjtë!

Lutja e Zembrës së Krishtit

Zemër e tejetshenjtë e Jezusit, burim i çdo të mire, unë të adhuroj, besoj në ty, shpresojë në ty, unë të dua dhe pendojem për të gjitha mëkatet e mia. Ty të dhuroj këtë zemër të varfër, bëje të përvuajtur, të durueshme, të pastër, dhe që në gjithçka të përgjigjet dëshirave tua.
Bëj, o Jezus i mirë, që unë të jetoj në ty e ti në mua. Më mbro në rreziqe, më ngushëllo në vështirësi. Më jep shëndetin e trupit, bekoje gjithë punën time dhe më jep hirin e vdekjes së shenjtë. Amen.

Lutje kushtimi të përditshëm

O Hyj, Ati ynë, po ta kushtoj gjithë ditën time, po t'i kushtoj lutjet e mia, mendimet, fjalët, veprat dhe vuajtjet, në bashkim me Birin tënd, Jezu Krishtin, i cili në Eukaristi të kushtohet ty vazhdimisht për shpëtimin e botës.
Shpirti Shenjt, i cili ka udhëhequr Jezusin, le të bëhet sot udhëheqësi im dhe forca ime, që të mund të dëshmoj dashurinë tënde.
Me Marinë, Nënë e Hyjit dhe Nënë e Kishës, të lus në mënyrë të veçantë për qëllimet, të cilat Ati i shenjtë për këtë muaj ua beson lutjes së gjithë besimtarëve...
(Njeti i Atit të Shenjtë për muajin vijues)

Lutja për meshtarë

O Jezu Krisht, Shëlbuesi ynë! Ti iu ke besuar meshtarëve veprën e shëlbimit dhe shpëtimit të botës si zëvendësit e tu. Për këtë unë, nëpër duart e Nënës sate tejet të shenjtë, po ta paraqes tërë ditën e sotme, me të gjitha lutjet, veprat e flijimet për shenjtërimin e meshtarëve të tu dhe kandidatëve për meshtarë.
Na jep meshtarë të shenjtë, të ndezur flakë nga dashuria jote hyjnore, të cilët kërkojnë lavdinë tënde më të madhe dhe shpëtimin e shpirtit. Ruaj ata nga të gjitha rreziqet e shpirtit dhe trupit, dhe bëj që t'i qëndrojnë besnik deri në fund thirrjes së tyre të shenjtë. Amen.

Lutja për meshtarët

O Jezus, meshtarë ttejet i lartë dhe i amshuar, ruaje meshtarin tënd brenda Zembrës tënde të shenjtë. Mbaj të papërlyera duart e tija të shuguruara që çdo ditë prekin Trupin tënd të shenjtë. Ruaj të pastra buzët e tija që skuqura nga gjaku Yt i Çmuar.
Mbaje të pastër dhe qiellore zemrën e tij të shënuar nga karakteri Yt i lartë meshtarak.
Bëj që të rritet në besnikëri dhe në dashuri për ty dhe ruaje nga infektimi i botës.
Me pushtetin për të shndërruar bukën dhe verën jepi atë fuqi dhe dije që t'i shndërrojë zemrat.
Bekoji dhe bëji të frytshme mendimet e tija dhe një ditë jepi kurorën e jetës së amshuar.
Amen (Shën Tereza e Jezusit Fëmijë)

Lutja për motra

O Zot, kemi nevojë për motra; motra sipas zemrës sate.

Nuk duam motra të rastit, por motra të njëmendta, që na përçojnë Ty pa frikë.

Duam motra që na flasin më tepër me jetë, se sa me fjalë.

Motra që konsumojnë kushtimin e tyre më tepër se sa ruajnë vetveten.

Ti e di mirë, o Zot, se njeriu nuk ka ndryshuar shumë, nga ai i kohërave të tua; ai ka prapë uri, ka prapë etje, uri dhe etje për ty që je i Vetmi që mund t'ia shuash. Prandaj, na dhuro, o Zot, motra plot me Ty, motra që shndrisin, motra që na japin Ty.

Duam, o Zot, motra me zemër të hapur, motra me duar të forta dhe shikim të dhimbshëm.

Duam motra që dinë të flasin me Ty, sepse kur një motër lutet, populli është i sigurt.

Na jep, o Zot, motra me gjuhë të fortë që të qëndrojnë para teje, motra që dinë të të adhurojnë Ty e që nuk kanë asnjë referim tjetër përveç tabernakullin tënd.

Dhe ne, na bëj të denjë që të kemi motra të tilla, madje shumë.

O Virgjër e Papërlyer

O Virgjër e Papërlyer, Nënë e Hyjit të vërtetë e Nënë e Kishës, shiko sa të mëdha janë të korrat e tua dhe ndërmjetëso pranë Zotit që të fusë uri për shenjtëri në mbarë popullin e Hyjit dhe dhuro thirrje të bollëkshme për meshtari dhe për jetë rregulltare, të fortë në fe dhe përhapës zelltarë të mistereve të Hyjit. Zgjoje në brezat e ri gadishmërinë për t'u vënë në shërbim vetëm të Hyjit. Amen.

O Zot, më jep

O Zot, më jep një zemër të zgjuar, që mos ta largojë nga ti asnjë mendim i kotë;

një zemër fisnike, që askush i padenjë të mos e joshë me epsh;

një zemër të drejtë, që asnjë qëllim i keq të mos e ndotë;

një zemër të qëndrueshme, që asnjë fatkeqësi nuk mund ta mposhtë;

një zemër të lirë, që nuk bie pre e rrymave të turbullta.

Më jep o Zot, Hyji im, një zgjuarsis që të të njohë, një dije që të kërkon, një sjellje që të pëlqen, durimin që besnikërisht të të presë, shpresën që më në fund të përqafojë. Amen.

O Shpirt Shenjt (Shën Toma)

O Shpirt Shenjt, dashuri e Atit dhe e Birit, më frymëzo gjithmonë atë që duhet të mendoj, atë që duhet të them, atë që duhet të hesht, atë që duhet të shkruaj, se si duhet të sillem, atë që duhet ta bëj për të dhënë lavdi ty, për të mirën e shpirtave e për shenjtërimin tim. Amen.

Mysafir i ëmbël i shpirtit

Mysafir i ëmbël i shpirtit, dritë e lume e zemrave, qofsh burimi i hireve: eja e ndeze zjarrin e dashurisë sate! Freskim e lehtësim në lot, forcë në vështirësi të mëdha, dhuratë e ëmbël për të përvuajturit: eja e ndeze zjarrin e dashurisë sate!

Ti që e mbulove me hije Virgjërën, lule e purpurt e dashurisë, e nuse e dashur dhe e pastër: eja e ndeze zjarrin e dashurisë sate!

O Shpirt Shenjt

O Shpirt Shenjt, shpirti i shpirtit tim, të adhuroj.

Ti je urtia: dënjohu të mbushësh zemrën time me shijen e gjërave qiellore.

Ti je kuptimi: mbaje të shndritshme fenë time.

Ti je dija: më mëso të të shoh aq të madhërueshëm në krijesa për ta arritur Hyjin.

Ti je këshilla: eja dhe drejtoi të gjitha veprimet e mia.

Ti je mëshira: ndeze në zemrën time një dashuri bijësore drejt Hyjit.

Ti je forca: më jep guximin ta dëshmoj Hyjin në jetë.

Ti je frika: bëj që mendja ime ta ndjejë praninë tënde shëlbimprurëse.

Ti je ngushëllues: vizitoi mendjet tona e mbushi me hirin qiellor zemrat tona.

O Shpirti i së vërtetës

O Shpirti i së vërtetës, që ke ardhur tek ne për Rrëshajë për të na mësuar në shkollën e Fjalës Hyjnore, kryeje në ne misionin për të cilin Biri të ka dërguar. Rimbush me ty çdo zemër e nxit në shumë të rinj dëshirën e madhe për çka është me të vërtetë e madhe dhe e bukur në jetë, dëshirën e përsosmërisë ungjillore, zellin për shëlbimin e shpirtërave. Mbështeti “punëtoret e të korrave” e jepua frytshmërinë shpirtërore përpjekjeve të tyre në ecjen kah e mira. Bëji zemrat tona krejtësisht të lira e të pastërta, e na ndihmo të jetojmë në plotësi ndjekjen e Krishtit, për të shijuar si dhuratën tënde të fundit gëzimin që nuk do të ketë fund kurrë. Amen. (Gjon Pali i II)

O Hyj tejet i mëshirshëm

O Hyji tejet i mëshirshëm dhe tejet i drejtë, tejet i largët dhe tejet i pranishëm, kurrë i ri e kurrë i vjetër, gjithmonë veprues e gjithmonë i qetë, kush do të bëjë që të pushoj në Ty? Kush do të të sjellë në zemrën time që ta bëjë për t’i harruar të këqijat e mia e për të përqaftuar Ty, e vetmja e mirë e imja? Është ndoshta fatkeqësi e vogël të të mos të duash Ty? Më thuaj: “Unë jam shpëtimi yt”. Por bëj ta dëgjoj zërin tënd e do të arrij tek Ti. Mos ma fsheh fytyrën tënde! Që unë të vdes derisa të mos vdes e të mund të shoh Ty. (*Shën Augustini, Rrëfimet, I, 4 ss*)

Për paqe

O Hyji i etërve tanë, i madh dhe i mëshirshëm, Zoti i paqes dhe i jetës, atë i të gjithëve, Ti ke plane paqeje dhe jo pikëllimi, dënon luftërat dhe e shkatërron krenarinë e dhunuesve. Ti e ke dërguar Birin tënd Jezusin për t’ua shpallur paqen të afërmeve dhe të largtëve, për t’i bashkuar njerëzit e çdo rrace dhe çdo fisi në një familje të vetme, dëgjoje klithjen e njëzëshme të bijve të tu, lutjen e përzemërt të mbarë njerëzimit: kurrë më luftë, aventurë pa kthim; kurrë më luftë, kërcënim për krijesat e tua në qiell, në tokë e në det. Në bashkim me Marinë, Nënë e Jezusit, të lutemi akoma: folu zemrave të përgjegjësve për shortet e popujve, ndaloje logjikën e shpagimit dhe të hakmarrjes, frymëzo me Shpirtin tënd zgjidhje të reja, vepra zemërgjera dhe të ndershme, hapsirë dialogu dhe pritjeje të durueshme, më të frytshëm se sa afatprerjet e ngutura të luftës. Jepi kohës sonë ditë paqeje. Kurrë më luftë. Amen. (*Gjon Pali II*)

*Libri i lutjes i Bijave të Dashurisë Hyjnore
Shkodër 2013*